

福州府志卷之五十一

人物三 列傳
古田

朱

邵清字彥明古田人元祐閒太學生時太學有十彥清其一也從張載學易崇觀閒還家遂不復出築室先塋側

聚書千卷角巾鶴氅徜徉其閒鄉黨敬之不敢以名字

稱因其嘗應八行舉呼爲八行先生年八十四于整

叅萬歷

府志

整字宋舉自號蒙谷遺老與族人景之以家學自相友

福州府志

卷五十一 人物列傳

教授生徒百餘人少從合沙鄭少祺學易傳六十四卦

圖說及春秋元經其纂集圖序甫訖而卒

閩書

李廣文字夢授古田人政和中以舍選登第雄勇有威名

所在以李虎子目之始尉尤溪有捕寇功繼令惠安浦

城倅建安方臘葉儂作亂敗之嘗出罪囚使破賊贖罪

又嘗挺身獨往戢鹽寇之亂識呂頤浩於稿人中辭秦

檜糧料之職不與黨禍自通仕郎至朝散大夫歷官十

六任名績著一時惠安潮惠之民立祠祀之能詩尤長

於碑記詞令之文退居十餘年卒

閩書叅正
德府志



余爰字良叔一字良聲古田人調松陽尉歷贛州司理有

清聲

閩書

林岳字仲山古田人紹熙元年特奏名嘉定間守全州甫至郡卽定先賢祠祭禮時清湘書院久廢岳捐貲修葺復建率性堂日偕書生講明道學勉敦實行與魏了翁友善爲作書院記在郡九年多惠政去日民俎豆之柳

侯廟

福建通志

程伯榮字良弼古田人與同邑蘇龜齡黃有開傳子淵皆

遊於朱子之門

正德府志

福州府志

卷五十一

人物列傳

二

蘇大璋字頤之古田人父鴻以陰德聞大璋少穎悟十三通周易大義事母孝慶元進士嘉泰中邑大水墊溺饑饉大璋方舉進士上章乞常平使者躬爲賑濟民賴存活司教道州闡揚正學召試館職除秘書正字累遷著作郎奏對力言禁錮僞學之非忤大臣意累乞外知吉州子士穆知福安縣

閩書參正德府志

高子昇字子雲古田人嘉定初舉進士爲分寧尉累遷泉

州僉判兼南外宗正簿以朝請郎主管崇道觀靜退

修爲時典型

閩書參正德府志

伯玉古田人嘉定十年舉進士時臺臣李汝行
次對官不許論邊事璘對策極詆之調吳縣尉有殺人
於貨獲其舟亡者有司求賊急屠者自告吾兒實殺之
兒亦自誣伏璘爲緩之後果得賊舉縣感服縣有勢家
治圃將鑿渠通舟繆言古有渠常平使者主之璘視故
籍則民田也力爭迂使者意移監縣稅璘遂以直聞調
瑞州學教授用白鹿洞教法崇禮讓後文藝士翕然知
嚮時出師楚州捷聞以全人據淮陰欲乘勢取之制司
恥楚城之捷自趙范與葵出議贖淮陰二城爲功泊聞

金變卽轉攻之我師死傷者六萬璘在兵閒憤之著讜
論直書其事上之知晉陵縣擢監察御史召對緝熙殿
首跪奏天變而至於怒民怨而幾於離海宇將傾天下
有不可勝諱之慮陛下謂此何時縱欲累德文過飾非
疏遠正人狎昵戚宦濁亂朝政自取覆亡宰相用時文
之才爲經世之具不顧民命輕挑兵端不度事宜頓空
國帑委政厥子內交商人賄塗大開小雅盡廢瑣瑣嫺
姪敢預邪謀視國事如俳優以神器爲奇貨都人側目
朝士痛心蓋正無將之誅以君不忠之戒毋使天變

極人心愈離也上爲改容又詰問號召土豪經理勸
擇帥臣安集淮西帝嘉納問邊事甚悉璘感激知遇自
是彈擊無所避再疏鄭清之妄庸誤國其子士昌招權
納賄鄭性之懦而多私李鳴復以甘心諂鄭損得薦入朝
適清之議張天綱之獄迎合從輕遂擢臺端會趙枕夫
遣史寅午屬清之父子鳴復以結寅午得登政府時杜
範亦論鳴復不行而範去璘盡力丐外授廣西運判改
知嘉興府尋改江東運判時邊事急置四察訪使就詔
璘分建康太平池州江西璘場榜馬前客所部以利害

又奏損總領所錢二十萬紓助江防軍聲大振尋升直
華文閣知廣州廣東經畧安撫使梅州寇作璘示以威
信寇尋息明年上章乞致仕帝思見之亟命入奏擢太
常少卿母卒璘哀毀不食久之疾革卒璘立臺僅百日
世謂再見唐介至切劘上躬盡言無隱帝益嚴憚之居
官大節則母教之助爲多

宋史

汝騰字茂實宋宗室也居古田宣慶二年進士累官秘
書郎轉對言節用必先自乘輿宮掖始又累遷禮部尚
書兼給事中入奏言前後姦諛之人臣傷善害賢自取戾

益陛下而深損於聖德與利之臣移東就西
自遂谿壑何益陛下而深戕乎國脉則陛下
舉小之志可以息矣又言陛下有用君子之名無用
子之實拜翰林學士辭歸累召力辭以端明學士兼
翰林學士承旨知泉州卒贈四官謚忠清汝騰平生一
言不妄發一錢不妄取朝廷嘗賜田宅以旌其廉
萬歷府志
參宋史

鄭公玉字潤甫古田人紹定間舉進士官終朝請郎潭州
通判善評品人才尤好獎拔後進工詩文蒞官臨民有

福州府志

卷五十一

人物列傳

五

仁政

正德府志

章孝參字魯士古田人淳祐中以舍選登第授德慶府教
授有文行好獎勸後學洪天錫嘗稱爲大雅君子又嘗
語人曰言規行矩玉質金聲章君是也
正德府志

張疆字定叟一字易翁古田人豪邁慷慨重風節好立功
名以易義補太學生上書力詆宰相史嵩之擅政嵩之
欲置之死賴理宗優容嵩之亦以是罷釋褐登第累遷

書庫官復率教官丁應奎楊潮南等上疏論

大臣國併諫遷都之失理宗皆納之

李元譽字子貞古田人以布衣召除國子學錄不起書

明

曾斌字士均古田人永樂九年鄉薦令遂昌有惠政正統
開斌家居寇至竄山谷避之爲賊所獲有遂昌人識之
曰此故吾邑令民慈父也居官有善政未嘗一毫妄取
於民顧語羣賊舍之而去古田縣志

林果字希仲古田人天順中由太學選襄陽府同知時兵
荒果招撫賑恤民賴以安襄府官校不法果啓王治之
卒於官士民追思愛慕爲立祠以祀焉分省人物考

福州府志

卷五十一

人物列傳

六

羅榮字志仁古田人弱冠登宏治庚戌進士授戶部主事
歷員外郎擢廣東叅議以勦寇功擢叅政尋轉布政使
調貴州榮居官以才敏稱性長厚雖微賤必以禮接之
古田舊無城榮上議創築邑人至今德焉分省人物考

張文造古田人宏治乙卯鄉薦授新寧令先是邑多寇文
造定方略設鄉長總統之村長分統之各鄉動息月朔
必關報民間有不法無不先知以故令行禁止盜息民

安分省人物考

朝

○余正健字乾行古田人康熙丙子鄉舉第一丁丑
士選庶常授編修充中館纂修戊子典試河南所拔
名雋遷中允嘗侍讀擢國子祭酒課試甄別不少假尋
歸無臣張伯行疏薦仰督學江南至則條教不煩祇
以正本澄源迨在責已之屬凜其風操苞苴請謁無一
至者衡文窮日夕視其如抵而甲乙之見諸生曷以行
誼剴切溫醇士論稱其和而不流清而不刻尤以激揚
爲任疏請范仲淹從祀廟廷

上廉其學守召爲順天府尹劾奸弊省囚圉巡視城壕勤
福州府志

卷五十一

人物列傳

七

於奉職數月晉秩副都御中兼府尹事再

命督學雲南疾作予告回籍歸至臨清卒正健事母及

兄以孝恭聞爲諸生食貧課讀以古賢自期炎暑對生

徒講說必正衣冠危坐笑嚬不苟敏歷中外恭慎小心

於卑賤無所狎於權貴無所慕垂二十年如一日乾隆

庚午巡撫潘思渠疏請崇祀

賢纂福建通志

楊振綱字明憲古田人康熙壬午舉人授詔安教諭修

崇聖祠及明倫堂時進諸生與講明敦品修行士

有兄弟爭產者與令謀於庭令延振綱至
之振綱從容曉譬援乙曾明事諭之庠士兄弟感泣至
以產相讓尋擢泉州府教授詔入爲監德教碑振綱工
詩古文詞汪洋迤演著述甚富自半園詩文集六卷芥
庵筆記十二卷讀史管窺八卷

福州府志

卷五十一 人物列傳 八

福州府志卷之五十二

人物四
列傳
閩清

黃若字安國閩清人紹聖初進士官至朝請大夫權知梧

州軍課農桑興學校百廢具舉暇則引諸儒飲射讀法

有古循良風引年賜紫金魚袋

正德府志

陳剛中字彥柔祥道從子

祥道並弟賜傳俱見儒林

建炎進士性慷慨

有志事功官迪功郎紹興初上書言民力凋瘵國用匱乏願罷冗食去虛文以足邦用遷太府寺丞應詔上封

福州府志

卷五十二

人物列傳

事主議恢復忤秦檜意胡銓以言貶韶州剛中作啓賀

行有云屈膝請和知廟堂禦侮之無策張膽論事喜樞

庭經遠之有人又有云知無不言願借上方之劍不遇

故去聊乘下澤之車檜尤憾之遂與張九成等七人同

謫差知安遠縣至縣適有嶺寇來擾究心招撫感瘴而

沒其妻子扶柩葬於杭州龍井山風篁嶺之沙盆塢

閩書

參正德府志

黃師雍字子敬閩清人少從黃幹學寶慶二年進士爲楚

州官屬李全反狀已露師雍密結別部都統時青圖之

謀泄全殺書師雍不爲動全亦不加害秩滿朝議褒異
師雍恥出史彌遠門不往見之調婺州教授學政一以
呂祖謙爲法慕徐僑有清望欲謁之會其有召命師雍
曰今不可往也僑聞而賢之至闕以其學最聞李宗勉
在政府力言於丞相喬行簡行簡已許以朝除師雍以
書見行簡勸其歸老行簡不悅宗勉之請遂格知遂之
龍溪轉運使王伯大上其邑最行簡罷宗勉與史嵩之
入相召師雍審察將至而宗勉卒嵩之延師雍密示相
親意師雍不領遷糧料院曰料院與相府密邇所以相
處師雍亦不領嵩之權勢浸盛未有發其姦者博士劉
應起首疏論嵩之師雍與應起善嵩之疑師雍左右之
諷御史梅杞擊師雍差知興化軍旋奪之改知邵武軍
及應起爲監察御史師雍亦拜監察御史首疏劾金淵
秩送外居任再疏斥趙綸頃容孫史官之嵩之終喪正
言李昴殿中侍御史章瑛共疏乞竄斥之師雍亦上疏
論列帝感悟詔勒令致仕權直舍人院劉克莊封還詞
頭乞界嵩之以貶職如宰臣去國故事師雍劾克莊臨
事失身犯姦兇所居官又乞籍嵩之家隸張叔儀皆

之師雍與丞相鄭清之故同舍然以劾劉用和
清之親故清之不樂帝將以師雍爲侍御史清之曰
此則臣不可留遷起居舍人兼侍講卽力丐去清之猶
冀師雍少貶師雍曰吾欲爲全人終不屈清之卒起師
雍爲左史旣而改江西轉運使遷禮部侍郎命下而卒
於江西官舍師雍簡淡寡欲靖厚有守言若不出口而
於表正之辨甚明視外物輕甚故博采公論當官而行
愛護名節無愧師友云

宋史

明

福州府志

卷五十二

人物列傳

三

趙正閩清人宣德己酉鄉薦景泰閒授上海教諭終日坐
堂上講授不輟夜則振鐸以警諸生旣仕而休及門之
士猶念之曰安得如斯人者以勵後進乎

萬歷府志

謝瑀字叔和閩清人景泰甲戌進士由戶部主事至廣東
布政使致仕瑀在戶曹奉使賑饑全活甚衆爲粵藩時
廣東高雷廉用兵瑀飛輓芻粟師無匱乏而民不擾以
廉能著聲性忠厚坦直治家有法嚴而能睦

分省人物考

王澂字孔哲閩清人景泰閒以國子生授知巴縣爲政慈
祥節儉一以愛民爲主越三年卒於官邑人爲歸其柩

立廟祀之

正德府志

陳良鼎字廷器閩清人嘉靖初貢入太學時章聖太后崩世宗將南巡奉以合葬公卿臺諫不敢發良鼎曰唐郇模宋陳東歐陽徹何人哉上疏言乘輿南幸自百官官嬪及御前宿衛盡從郡縣除御道修橋梁築行宮飭厨傳所過境內文武將吏當朝行在送往迎來以億萬計非所以子元元安社稷也臣聞河南北及湖廣諸處頻年水旱民朝夕告急有司聞天子臨幸已預徵來歲租賦爲不時之需百姓皆賣兒斥產以應追繫愁苦宜勅福州府志

卷五十二

人物列傳

四

二三大臣奉太后梓宮而南不宜犯霜露勞玉體以損民費財疏入下獄杖之擬戍極邊會駐蹕真定行宮火扈卒過江多墜水死者世宗念良鼎言釋爲民授縣尉尋罷歸年八十種秫讀書以終老隆慶改元錄用言事諸臣時良鼎已老矣有司上其事未命卒

分省人物考
參萬歷府志

詹洪基字子震閩清人隆慶戊辰進士初授中書舍人轉刑部員外郎雲南僉事洪基溫恭樂易與人交坦夷出肺腑其事母至孝旦夕不忍離左右年未五十遂上疏乞終養旣得請以奉菽水爲歡杜門三十餘年先業未

嘗長尺寸孝友之行洵無閒言

萬歷府志

福州府志

卷五十二 人物列傳 五

漳州府志卷之五十三

人物五

列傳
長樂

宋

林通長樂人登鄉薦元祐閒廟學壞通作縣圖經營之得

錢二十萬以倡鄉人助新廟學

萬歷府志

劉嘉譽字德稱一名岡官長樂人爲樂昌尉嘗受業延平

李侗之門子世南字景虞少從林之奇遊與呂祖謙爲

友秉禮以義鄉黨敬之官至吉州司理叅軍

閩子砥礪書

自有傳見道學

福州府志

卷五十三

人物列傳

一

林安上字民瞻長樂人歷國子博士累官福建兵馬鈐轄

安撫使廣東路經畧使因劾丞相汪伯彥黃潛善誤國

不聽遂致仕

閩書

張本中字崇正長樂人紹興初知陽山縣勞心撫字循行

阡陌察其豐儉施之以政士人婚喪以歌爲禮本中嚴

禁之

閩書

陳伯嘉長樂人紹興中以軍功任太和縣西平山巡簡累

平兇盜卒民廟祀之

閩書

林案字國和長樂人通判紹興賑濟水災活二萬餘人累

官兵部尚書禮部侍郎嘗陳岳飛之冤乞再加褒贈卒

封鄂王然以劾朱子爲世所短

閩書

鄭申之字惟任長樂人乾道五年進士官國子監助教朱

子避僞學禁至長樂申之從之遊教授於鄉從遊甚衆

立文行忠信四齋以處之朱子扁其所居樓曰聚遠

福建

通志

林宗顯字孝揚長樂人乾道中知建寧縣聽訟精明用度

省節興利除害有德於民

閩書

林楠字子長長樂人淳熙初爲姑塾教授爲太守楊愿作

福州府志

卷五十三

人物列傳

二

姑塾志五卷

閩書

韓璧長樂人淳熙中爲瓊管帥始至釐籍薄征教以耕耨

細官吏無狀者爲民陳禮義廉恥之意以開曉之又表

從化者以厲不率出入阡陌勞來不怠期年民吏浹和

黎人感悅乃作新州學海外之士皆有以自表於當世

朱文公有記

閩書

劉世修字景周長樂人性恬退不樂仕進淳熙中嘗授承

信郎監行在贍軍激賞庫尋棄歸留意黃老之術建德

開堂列植花竹日與文人羽客觴咏談元妻兄陳自昭

爲相以有道辟力辭不就號慧觀翁年八十端坐而

閩書參萬
歷府志

王益祥字謙叔長樂人淳熙十一年進士及第歷桂陽建
康教授以陳傅良張杓薦擢監簿編修說書出知寧國
改處州時嚴僞學之禁丐祠去後提刑江東以里人陳
自強進相位棄官歸福建通志

陳彞字日華長樂人慶元初知汀州捐帑錢官田助養學
校減戶口食鹽價以紓細民作義塚千數掩遺骼亡歸
者俗尚鬼信巫至是亡敢犯禁第映繼之一守兄之法

福州府志

卷五十三

人物列傳

三

尤銳意振舉瓦五營屋千餘閒甃清流路百四十里彞
嘗劾橋南山映爲竣工焉其先同郡陳粹知州事勸農
養士亦多所興革奏最爲天下第三賜書褒寵之民稱

晉安三賢云

萬歷府志

卓洵字士直長樂人慶元閒知泰和縣留心水利劾置沿

溪六閘灌田萬畝民至今食其澤

福建通志

林伯成長樂人開禧中知真州築城五百餘丈鑿河深廣

之翼城之築自伯成始

江南通志

林呂字仲呂長樂人淳熙丁未進士知汀州劾書院二所

與六邑士講詩書縣邑學皆有祠歷太常少卿

閩書

趙以夫字用甫宋宗室居長樂嘉定閒進士歷知漳州始下車鄰愆猝至諸道兵咸會調度甚繁以夫應之裕如生擒其渠魁檻車以獻時賞勞吏士費千萬民不加歛漳民苦丁錢以夫奏以廢寺租代民輸真德秀深嘉嘆賞上其事於朝謂可爲守土者法詔從之知邵武軍平下瞿賊掃清溪洞嘉熙初爲樞密院副使承旨會歷官言是歲日當食季冬之朔以夫預奏修德以應之言甚切拜同知樞密院事時上未立太子以夫編類仁宗高

福州府志

卷五十三 人物列傳 四

宗定儲本末具載諸臣諫疏及舉行次第上之上曰此

事實不可緩官終吏部尚書兼侍讀

萬歷府志

陳伯霖字震之知泰州累官廣東經畧使龍圖學閣士嘉

定中奉命使金以數言折服強敵人稱不辱

閩書

陳有聲字廣宗長樂人嘉定進士尉上高時歲豐訟簡吏民安之邑士罕尋聲律有聲選詩賦百餘篇教以體裁

遂甲他邑

閩書

張翀字蜚卿長樂人官左司郎中以文學廉能稱

閩書

陳逢寅長樂人舉進士有文名授浦城簿孳孳職守且